



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Malos mittentes ad praedicandum, sunt damnati. Caput XXVI.

urn:nbn:de:hbz:466:1-30114

corda innocentum seducunt, & vna omnes in foueam ca-
 dunt, duces cæci & qui eos sequuntur. Caput & cauda, te-
 ste Esaia: Et populus insipiens, qui diligit talia. Vnde multis
 pastoribus huius temporis, qui non solum tacent, conui-
 uent & dissimulant dum lupos cernunt oues suas disper-
 gere, rapere, perdere, iugulare, sed ipsi dato pretio mag-
 no, lupos vocant, & ad iugulandum & seducendum oues
 hortantur. Et in his rebus pessimis exultant, in tantis
 malicijs gloriuntur, perinde ac sic iusticiam fecerint &
 Deo obsequium.

Malos mittentes ad prædicandum, sunt damnati.

Caput XXVI.

A Iusmodi episcopi & prælati, non sunt pastores secū-
 dum cor Dei, sed fures & latrones. Non pascunt oues,
 sed iugulant. Non custodiunt oues, sed tradunt eas lu-
 porum dentibus deuorandas: Non sunt vigiles: sed pro-
 ditores: Non sunt vicarij Christi, sed ministri Diabo-
 li: Non sunt honore digni, cum sint canes muti, specula-
 tores cæci, maledicta idola, & abominationes desolationis
 stantes in loco sancto. O mercenarij, damnati, quid princi-
 pi pastorum respōdebitis, cum dixerit vobis: Vbi est grex
 vester qui datus est vobis, pecus inclytum vestrum? Non
 videbitis faciem meam, nisi minimum fratrem vestrum ad-
 duxeritis vobiscum. Oportet proinde diligentissimè exa-
 minare eos, quibus munus hoc committi debet, vt idone-
 is vita, scientia, eloquentia, pietate & omnibus numeris ad
 hæc munia obeunda sint idonei. Hinc consequens est,
 quod electi & missi ab hæreticis damnatis, ab episcopis,
 principibus, ciuitatibus, nobilibus & alijs quibuscunque,
 hæretica prauitate & fermento errorū corruptis siue papa
 fuerit siue cardinalis siue episcopus, siue officialis: siue im-
 perator siue rex, siue princeps aut consulatus, impiè agit,
 lupus

Iupus est, non pastor, fur & latro, sua abutitur potestate. Sed & reus est omnium animarum quæ per eum seducuntur: & omnium malorum quæ per eum fiunt particeps est. Nam Hieroboam radix peccati, scelestus Achab, impius Achaz, Blasphemus Manasses, perditus Amon, & id genus multi alij impij reges in populo Iudæorum fuerunt, qui prædicatorum iuxta sua desideria mala elegerunt & instituerunt. Verum, abusus potestatis, impietas in Deum, crudelitas maxima in populum fuit.

Constantius imperator & multi alij imperatores Ariani, Donatiste, Pelagiani, Manichei aliarumq; hæresum defensores: sed & infiniti episcopi, fermentis istis corrupti, suæ farinae prædicatorum designauerunt. Verum, dum capita languebant, errabant, corrupta erant, simul perierunt omnes: Nec profuit missis, quod autoritate & potestate prædicatorum, missi fuerunt: Nec in minimo excusat eos coram Deo.

Apollo, quomodo auspicatus est munus prædicandi, rectè

& ordinate. Cap. XXVII.

Sicut autem aliquis prædicare auspicatur, nõ missus à Deo, Aut potestate legitima præditis: ut de Apollo oppopit Luderus mendax: Tunc si viam Dei in veritate docet: nec *Act. 18.* terminos antiquos quos patres posuerunt, transgreditur, *Prou. 22.* ac prius viam Dei edoctus est, peritus in scripturis, & diligenter ea quæ sunt Iesu Christi loquitur, nec seipsum quærit, assumi debet in coadiutorem, & diligentius instrui: Sed & eius opera & labores in vinea Dei, debent à potestate præditis approbari, & ipse (sicut de Apollo factum est) *Acto. 18.* in operarium vineæ assumi.

Exemplum Apollo, est contra Lutheranos.

Caput XXVIII.

Y 3 At